



Wie Sigrit sin wip heim zelande furle...

XI. Auentiure.

S

von der Sigemundes, mit gotlichem site.
 sprach zu sinen heleden, toot des ich ouch bite.
 nu bereit vns die möre, ia wil ich inmin lant.
 liep was es sine wibe, do si diu märe an im ervant.

Si sprach zu dem herren. sit wir von himmen varn.
daz ich so harte gahe. daz heiz ich wol bewarn.
mir suln e' mine brüder. teilen mit dir lant.
leit was ez Sivride. do erz an Chriemhilt ervant.

Die fürsten zu im giengen. vnt sprachen alle dri.
nu wisset daz herre Sivrit. daz iw immer si.
mit trüwen vnser dienest. bereit vnz in den tot.
des neiger do den degenen. do manz im so wol erbot.


Wir suln och mit iw teilen. sprach Giselher daz kint.
lant vnt burge. die unser eigen sint.
swaz der witen erbe. vns ist undertan.
der solt ir teil vil goten. mit samt Chriemhilde han.

Zu sinen chonemagen. do der reche sprach.
do er den goten willen. an den herren sach.
got laze iw iwer erbe. immer selic sin.
vnt och die lute drinne. ia tuot dir wine min.

Des teiles wol zerate. den ir ir woldet gebn.
da si da sol tragen chrone. vnt soln wir daz gelebn.
si muoz werden richer. dann iemen lebender si.
swaz ir sws gebietet. sten ich iw dienstlichen bi.

Do sprach dir frowe Chriemhilt. habt ir der erbe rat.
vmb die Burgonden degene. ez so lihte niene stat.
sine muoge ein chunich gerne. foren insin lant.
ia sol si mit mir teilen. miner lieben bruder hant.

Do sprach der herre Gernot. nu nim dir swen du wil.
die mit dir gerne riten. der vindestu vil.
von drizech hundert rechen. so habe dir tusint man.
die sin dir heim gefinde. daz was ir liebe getan.



Si bereite sich zir verte. als ir vil wol gezam.
ir edeln ingefindes. frow Chriemhilt do nam.
zwo unt drijzech magede. dar zwo funfhundert man.
Ecgewart der grave. for mit finer frowen dan.

Urloop si alle namen. beide ritter vnt knecht.
magede unt frowen. daz was vil michel recht.
mit choffen gescheiden. wrden si zehant.
si rovnten minnekliche. do der Buregonden lant.

Do beleiten si ir mage. vil verre vf den wegen.
man hiez in allenthalben. ir nahtfelde legn.
swa si si gerne namen. durch der chunige lant.
do wrden boten balde. dem kunige Sigemvnt gesant.

Daz er daz wizen solde. vnt oech Sigelint.
daz Sivrit chomen wolde. vnt oech frown Voten kint.
Chriemhilt div vil schone. von Wormez ober Rin.
done kunden in div mere. nimmer lieber gesin.

Nv wol mich sprach do Sigemvnt. daz ich gelebt han.
daz hie div schone Chriemhilt. sol gechronet stan.
des mwezen wol getivret. sin div erbe min.
Sivrit der vil chuene. sol hie nv selbe voget sin.

Do gap div frowe Sigelint. vil manigen samnt rot.
silber vnt golt daz swere. daz was ir botenbrot.
si vrevte sich der mare. vnt mit ir manic man.
alles ir gefinde. mit vlize chleiden sich began.

Man seit ir wer da chome. mit Sivride indaz lant.
do hiezen si gesidele. rihten alzehant.
dar zv er vnder chrone. vor forsten solde gan.
do riten im engegene. des kunich Sigemundes man.

Ist iemen baz enpfangen. daz ist vns vnbechant.
denne die helede wrden. ze Sigemundes lant.
Sigelint sin muoter. Chriemhilt engegen reit.
mit maniger schonen frowen. ir volgeten ritter gemeit.

In einer tageweide. da man die geste sach.
die vremen vnt die chunden. die dolten vngemach.
vnz daz si chomen. zerburge wol bechant.
riche vnt märe. diu was ze Santen genant.

Mit lachendem monde. Sigelint vnt Sigemont.
chusten Chriemhilt. mit vrowden sa zehant.
darnach ir vil liebez kint. ir leit in was benomen.
alles ir gesinde. was in groz willechomen.

Do brahte man die geste. for Segemundes sal.
die schonen iunefrowen. hoben man da zetal.
nider von den mören. da was vil manic man.
do man den edeln frowen. mit vlize dienen began.

Swie groz ir hochgeciten. bi Kine was bechant.
noch gab man hie den heleden. richer gewant.
danne si ie getrvegen. noh bi allen ir tagen.
man mohte michel wnder. von ir richeite sagn.

Do si inir wurde saz. vnt heten genwoch.
was golt varwer geren. ir ingesinde trvoch.
vnt vil der edeln steine. verwieret wol dar in.
sôs pflag ir vlizekliche. Sigelint diu konigin.

Do sprach vor sinen magen. der herre Sigemont.
allen minen friunden. sol daz wesen chont.
daz Sivrit mine chrone. hinne for sol tragn.
diu märe horten gerne. die von Niderlanden sagn.

Do bevalhe er im die chrone, geriht vnt och die lant.
sit was er ir aller meister, die er inder vant.
vnt da er rihten solde, daz wart so getan.
daz man von schulden vorhte, der schonen Chriemhilt man.

In disen hohen eren, lebt er daz ist war.
vnt riht och vnder chrone, vnz in daz zwelfte iar.
daz die schonen Chriemhilt, einen sun gewan.
daz was des kuniges magen, nach ir willen wol ergan.


Den ilte man do taufen, vnt gab im den namen,
Guntler nach sinem oheim, des dorster sich niht schamen.
geriet er nach den magen, er werde ein chuner man.
man zoh in wol mit vlihe, daz wart von schulden getan.

In den selben eiten, do starp frow Sigelint,
do het den gewalt mit alle, der edeln Voten kint.
der so richen frowen, ob landen wol gezam.
di mohten ir do dienen, mit grozen eren ane scham.

No het och dort bi Rine, so wir horen sagen,
bi Guntler dem richen, einen sun getragen.
Prunhilt die schonen, in Burgonden lant.
durch des rechen liebe, so wart er Sivrit genant.

Wie rehte vlihecliche, man sin hoten hies,
Guntler der vil richen, im magtrogen lies.
diez chunden leren togende, gewihs ez zeinem man.
hey was im vngeliche, sit der mage an gewan.

Märe zallen eiten, wart wider vnt dar geseit.
wie rehte wunnekliche, die helde vil gemeit.
lebten zallen stunden, in Sigemundes lant.
daz selbe tet och Guntler, mit sinen magen v; erchant.



Das lant ze Nibelunge. Siuride nu diene hie.
reicher finer mage. wart deheiner nie.
dar zo sins vaters erbe. er was ein degn gvot.
des troch der vil chune. deste hoher den mvot.

Hort den aller meisten. den ie kunic gewan.
ane die ez e' pflagn. hete nu der chune man.
den er vor einem berge. mit finer hant erstreit.
dar vंबर svoc zetode. vil manigen ritter gemeit.

Er het den wnsch der eren. vnt wäref niht geschehn.
so muose man von schulden. Siuride iehn.
er ware ein der beste. der ie vf ors gefaz.
man vorhte sine sterche. vnt tet vil pilliche das.

